

تبریزده بیرینجی اهل بیت (ع) شعر انجومنی ایشه باشلادی

شرقی آذربایجانین اسلامی تبلیغات سازمانین مودیر کولی، تبریزده بیرینجی اهل بیت (ع) شعر انجومنین ایشه باشلاماسیندان خبر وئردی.



شرقی آذربایجانین اسلامی تبلیغات سازمانین مودیر کولی، تبریزده بیرینجی اهل بیت (ع) شعر انجومنین ایشه باشلاماسیندان خبر وئردی.

شرقی آذربایجانین اسلامی تبلیغات سازمانین مومومی رابطه لرین گوزارشینه گؤره، حجت الاسلام حمید عظیمی بو انجومنین بیرینجی جلسه سی نین آچیلشیندا دئدی: اهل بیت شاعیرلری گرک اسلامی معاریفی صحیفه سجادیه دوغاسی و شعبانیه موناجاتی کیمی دوغالاردان آلار.

او دئدی: شاعیرلر گرک موصیتلری ایندیکی زمانینان توتوشدوروب زمانه یزیدلرین تانیتماسینا ایقدام ائلیه لر.

عظیمی آرتیردی: اهل بیت (ع) موصیتین وجودا گتیرن عاشورا ماجراسی نین اصلی عامیلی جابیرلرین جورأتی، خواصین خیانتی و جماعتین نامردلیغی ایدی کی هر ایکی طرفین دونیا یا و توغلائان ظاهیره میل لری اولدوغو اوچون عاشورا فاجیعه سی یارانیدی.

اوستانین اسلامی تبلیغات مودیر کولی هابئله اسلامی اینقیلابین موعظم رهبری نین کرمانشاه اولان سفرینه ایشاره ائدی: بو سفرده جماعت صحنه ده حاضر اولوب زمانین ویلایت فقیهیندن حیمایت ائتمه سینه شاهید اولدوق، بیر زاد کی ایمام علی (ع) زمانیندا اولماماسی باعث اولدو او حضرت انوده قالسین و اسلامی جامععه آلاهیین ولیسی نین هیدایت نعمتیندن محروم اولسون.

عظیمی اسلامی جامععه نین سیاسی مسایلینه بی تفاوت اولماماغی اسلامی حوکومتین قالماغینا گرکلی بلیب و دئدی: معصوم ایماملار (ع) زمانی مخصوصاً ایمام حسین (ع) زمانی جماعت بی تفاوت اولماسی باعث اولدو جابیرلر اسلامی اوتمه و جامععه تسلوط جورأتی تاپسینلار.

او آرتیردی: شاعیرلر گرک اوزونو معرفت، 8 ایل موقدس دیفاع و معنویته یاخینلادا و شعرلرین پالایش ائلیه.

خاطیرلاتماق لازیمدیر کی سید مسعود نقیب، حسن حسنی، ایوب شهبازی، یحیی فغانی و جلال محمدی اهل بیت (ع) ادبی انجومنین مؤسسیرلری کیمی جلسه لری هر یکشنبه ساعت 15-دن اوستانین اسلامی تبلیغات کول ایداره سی نین «سوره» سالونوندا قوراجاقلار.